



ევროკავშირი
საქართველოსთვის
The European Union for Georgia



სუფთა ბარემო ნარჩენების ბარეში

მემოგრობის ხიდი
ქართლოსი



ბორი – 2019



სუფთა ბარემო ნარჩენების ბარეშე

მემოგრობის ხიდი ქართლოსი



ბოჩი
2019



ევროკავშირი
საქართველოსთვის
The European Union for Georgia



ეს კვლევა შეიქმნა ევროკავშირისა და კონრად ადენაუერის ფონდის მხარდაჭერით, პროექტის „სამოქალაქო საზოგადოების განვითარების ინიციატივა“ ფარგლებში. მის შინაარსზე პასუხისმგებელია ორგანიზაცია "მეგობრობის ხიდი ქართლოსი" და შესაძლოა, რომ იგი არ გამოხატავდეს ევროკავშირის, სხვა დონორებისა და კონსორციუმის პარტნიორების შეხედულებებს.

„სამოქალაქო საზოგადოების განვითარების ინიციატივა“ ხორციელდება კონრად ადენაუერის ფონდის (KAS) მიერ, სამოქალაქო საზოგადოების ინსტიტუტთან (CSI), საქართველოს სტრატეგიული კვლევებისა და განვითარების ცენტრთან (CSRDG), კონსულტაციის და ტრენინგის ცენტრთან (CTC) და განათლების განვითარების და დასაქმების ცენტრთან (EDEC) თანამშრომლობით.

პროექტს აფინანსებს ევროკავშირი, ხოლო თანადამფინანსებელია კონრად ადენაუერის ფონდი.

კვლევის ხელმძღვანელი:
რედაქტორი:

სოსო მეზერიშვილი
სოფიო ბერიანიძე



საქართველოს სტრატეგიული კვლევებისა და განვითარების ცენტრი
ტელეფონი: (+995 32) 2 39 90 19
ელექტრონული ფოსტა: office@csrdg.ge
www.csrdg.ge

სარჩევი

შესავალი	5
არსებული სიტუაციის მიმოხილვა	6
შერჩევის ჩარჩო	7
კვლევის დიზაინი	8
კვლევის ანალიზი	9
• თვისებრივი კვლევის ანალიზი	9
• კვლევიდან გამომდინარე რეკომენდაციები:	11
• მკვლევარის რეკომენდაციები	12
• რაოდენობრივი კვლევის ანალიზი.....	12
კვლევის მიზნები	15
გამოყენებული ლიტერატურა	16
დანართები.....	17
• დანართი #1	17
ფოკუს ჯგუფის სადისკუსიო გეგმა	17
• დანართი #2	18
რაოდენობრივი კვლევის კითხვარი	18
• დანართი #3	21
დახურული ნაგავსაყრელები და არსებული მდგომარეობა	21
• დანართი #4	23
რაოდენობრივი კვლევის დიაგრამები.....	23

შესავალი

ნარჩენების მართვა ერთ-ერთი პრიორიტეტული საკითხია დღევანდელი მსოფლიოსათვის. მთავარ პრობლემას წარმოადგენს მისი სწორად მართვა, გადამუშავება და რეციკლირება. ნარჩენების არასწორი მართვა იწვევს ეკოლოგიურ კატასტროფებს, მინისქვეშა და მინისზედა წყლების დაბინძურებას, წყლისა და ხმელეთის ცხოველების დაზიანებას, დაღუპვას და ა.შ. იგი სახელდება სხვადასხვა ონკოლოგიური დაავადების ერთ-ერთ გამომწვევ მიზეზად. პრობლემის სიმწვავიდან გამომდინარე, მსოფლიოს წამყვანი სახელმწიფოები და დემოკრატიული ინსტიტუტები მუშაობენ ამ საკითხთან დაკავშირებული რისკების შემცირებასა და მართვაზე.

ნარჩენების მართვის საკითხი ქართულ რეალობაშიც დადგა დღის წესრიგში ევროკავშირთან ასოცირების ხელშეკრულების გაფორმების შემდეგ¹. ხელშეკრულების პირობებიდან გამომდინარე საქართველო იღებს ვალდებულებას, შეამციროს სტიქიური ნაგავსაყრელები, მოაწესრიგოს ნარჩენების მართვის სისტემა, ხელი შეუწყოს ნარჩენების გადამუშავებას და ნაგავსაყრელების მოწყობას. ბოლო წლებში სახელმწიფომ აქტიურად დაიწყო რეფორმები ამ სფეროში. განთავსდა ნაგვის ურნები სოფლის ტერიტორიებზე და დაიწყო თვითმცლელებით მომსახურება. ეს შეეხო საქართველოს თითქმის ყველა სოფელს და დღეს უკვე სახეზეა გადადგმული ნაბიჯების პირველი დადებითი შედეგები. ამ მხრივ გამნაკლისი არც გორის მუნიციპალიტეტია და იმისათვის, რომ შეგვემოწმებინა, თუ როგორ მუშაობს აღნიშნული რეფორმა და რა გამოწვევების წინაშე დგას ნარჩენების მართვის მხრივ, ჩავატარეთ კვლევა მოსახლეობასთან. კვლევა წარმოდგენილია ორი კუთხით: პირველი – ეს არის დოკუმენტის შესწავლის საშუალებით გაკეთებული ანალიზი, რომელიც გვიჩვენებს არსებულ სიტუაციას, აღწერს საკანონმდებლო ბაზას და დოკუმენტურად წარმოგვიდგენს შესრულებულ სამუშაოებს.

მეორე ნაწილი მოიცავს რაოდენობრივ კვლევას, რომელიც ასახავს უშუალოდ მოსახლეობის მიერ დანახულ რეალობას, მათ ყოველდღიურ პრობლემებს ნარჩენების მართვასთან დაკავშირებით, მათ განწყობას, იმას, რაც არ აისახება და გამოიხატება დოკუმენტურად ფურცელზე. კვლევისას ყურადღება გავამახვილეთ აგრეთვე ნარჩენების სეპარირების დაგეგმილ რეფორმაზე. ამ საკითხის ანალიზმა საკმაოდ საინტერესო სურათი აჩვენა ფოკუსჯგუფებში რაოდენობრივი კვლევის დროს. კარგად გამოჩნდა მოსახლეობის წინასწარი მზაობა და განწყობა აღნიშნულ რეფორმასთან მიმართებაში.

ნაშრომს თან ერთვის კვლევის შედეგად შემუშავებული რეკომენდაციები გორის მუნიციპალიტეტის მერიისათვის.

¹ ევროკავშირის ასოცირების ხელშეკრულება, კარი VI, თავი III, 2014 წ.

არსებული სიტუაციის მიმოხილვა

გორის მუნიციპალიტეტში 2014 წლის საყოველთაო აღწერით ცხოვრობს 77 549 ადამიანი, უშუალოდ გორში – 48 113. გორის მუნიციპალიტეტი მოიცავს 110 სოფელს². ამ თავში მიმოვიხილავთ საჯარო დოკუმენტების მიხედვით არსებულ მდგომარეობას, ხოლო მეორე ნაწილში აღწერთ კვლევის შედეგად გამოვლენილ რეალობას.

დღევანდელი მდგომარეობით მუნიციპალიტეტის ყველა სოფელში ვერ ხერხდება ნაგვის ურნების დადგმა. 75 სოფელში განთავსებულია 1,1^{მ³} მოცულობის 1175 ნაგვის ურნა. მოძველებული ურნები ნაწილობრივ განახლებულია, ჩანაცვლებულია ახლით. რაც შეეხება ქალაქს – ქალაქის ტერიტორიაზე განთავსებულია 450 ნაგვის ურნა³.

გორის მუნიციპალიტეტის მერიიდან მიღებული საჯარო ინფორმაციაზე დაყრდნობით, 75 სოფელს ემსახურება მხოლოდ 3 ავტომობილი, რომელიც უზრუნველყოფს ნარჩენების შეგროვებას და სპეციალიზირებულ ნაგავსაყრელზე გადატანას.

გორის მუნიციპალიტეტში, ისევე როგორც საქართველოს თითქმის ყველა რეგიონში, არის სტიქიური ნაგავსაყრელები. ეს არის საკმაოდ საყურადღებო საკითხი, რადგან ის უსიამოვნო სუნის გარდა, იწვევს უფრო სერიოზულ პრობლემებს – უარყოფითად მოქმედებს გარემოზე და ზიანს აყენებს ადამიანის ჯანმრთელობას. მერიის 2018 წლის ანგარიშის მიხედვით, გორის მუნიციპალიტეტში დაიხურა მხოლოდ 24 სტიქიური ნაგავსაყრელი, უფრო მეტი ნაგავსაყრელის დახურვა ჯერ-ჯერობით ვერ ხერხდება. იმ სოფლებში, სადაც ნაგავსაყრელები ოფიციალურად დახურულია, შედარებით მცირე რაოდენობით, მაგრამ მაინც იყრება და გროვდება ნაგავი.

აღნიშნული ფაქტი გამოიკვეთა კვლევის მიმდინარეობისას. შესაბამისი დარღვევის შესახებ ეცნობა პროექტის შემსრულებელ ორგანიზაციას და მიენოდა შესაბამისი ფოტომასალაც. სტიქიური ნაგავსაყრელების არსებობა ფოკუსჯგუფებთან ურთიერთობის დროს ხდებოდა ცნობილი, შემდეგ კი ვათვალიერებდით მითითებულ ადგილს. რეალური სიტუაცია გაცილებით რთული აღმოჩნდა, ვიდრე ამას მოველოდით. სტიქიური ნაგავსაყრელების კვლავ წარმოშობის მიზეზები გაანალიზებულია თვით სტრატეგიის შემსრულებელ ორგანიზაციის მიერ.

როგორც აღვნიშნეთ, ევროკავშირთან ასოცირების ხელშეკრულებით, საქართველოს დაეკისრა ვალდებულება ნარჩენების მართვის სტრატეგიის შემუშავებისა და მისი პრაქტიკული განხორციელების. 2016 წლიდან პრემიერმინისტრის ბრძანებულებით მუნიციპალიტეტებს დაევალია ნარჩენების მართვის სტრატეგიის შემუშავება, სადაც გათვალისწინებული უნდა ყოფილიყო მინისქვეშა და ზედაპირულ წყლებზე, ატმოსფერულ ჰაერზე და ზოგადად გარემოზე უარყოფითი გავლენის შემცირების ღონისძიებები და ადამიანის ჯანმრთელობაზე ზრუნვა.

აღნიშნულ საკითხებზე მუშაობა, მენეჯმენტი და პასუხისმგებლობა მთლიანად ეკისრება მუნიციპალიტეტებს. ისინი ვალდებული არიან უზრუნველყონ ნარჩენების შეგროვებისა და მართვის გამართული ფუნქციონირება, შესაბამისი შემგროვებელი პუნქტების მოწყობა, გადამუშავება და სამომავლოდ ნაგვის სეპარირების პროცესის დაწყება და ხელშეწყობა.

ჩვენ საჭიროდ არ ვთვლით წინამდებარე ნაშრომში დანვრილებით მიმოვიხილოთ საკანონმდებლო ბაზა და ამ საკითხთან დაკავშირებული ეროვნული სტრატეგია. ეს ინფორმაცია შეგიძლიათ მიიღოთ დანართის ნაწილში ჩამოთვლილი გამოყენებული ლიტერატურის გაცნობით. დანართის ნაწილში შეგიძლიათ იხილოთ აგრეთვე გორის მუნიციპალიტეტში 2019 წლის მაისის მდგომარეობით განხორციელებული ღონისძიებების და არსებული მდგომარეობის შესახებ საჯარო ინფორმაცია, რაც თავად გორის მუნიციპალიტეტმა მოგვანოდა მაისის თვეში.

2 <http://census.ge/ge/results/census1> ნახვის დღე – 15 ივლისი

3 გორის მუნიციპალიტეტის კეთილმოწყობის სააგენტო, 2019 წლის 5 თებერვალი.

შერჩევის ჩარჩო

რაოდენობრივი კვლევის დროს გამოყენებული იყო სისტემური შერჩევა, რომელიც არის შემთხვევითი შერჩევის ერთ-ერთი ყველაზე გავრცელებული მეთოდი და ის ეფექტურია დიდი საკვლევი მასშტაბის შემთხვევაში. აღნიშნული შერჩევა იძლევა ყველა რესპონდენტისათვის თანაბარი მონაწილეობის მიღების საშუალებას და მისი მეშვეობით ხდება საკვლევი გეოგრაფიული არეალის, გარკვეული კანონზომიერებით, მაქსიმალური დაფარვა. კანონზომიერებაში მოიაზრება შემდეგი ფაქტი, თუ საკვლევ სოფელში ცხოვრობს 500 ოჯახი და გამოსაკითხია მათგან 50, შემთხვევითი შერჩევის წესით აირჩევა ათვლის წერტილი ერთი კონკრეტული ოჯახის სახით, და ამ ოჯახიდან მოყოლებული, გამოიკითხება ყოველი მეათე ოჯახი, რაც ფარავს მთლიან საკვლევ გეოგრაფიულ არეალს და შერჩევაში მოხვედრის თანაბარ შესაძლებლობას აძლევს ყველა რესპონდენტს. არსებობს არსობრივად იგივე მეთოდის სხვა სახეც, შესაძლებელია პირობითად დაინომროს ყველა ოჯახი და შემთხვევით შერჩეული ერთი ოჯახიდან მოყოლებული, ყოველი მეათე გამოიკითხოს. შემთხვევითი შერჩევის პრინციპის არჩევა მიიღება უშუალოდ თვისებრივი კვლევის მიმდინარეობისას.

აღნიშნულ შერჩევას აქვს ერთადერთი რისკფაქტორი, რაც გულისხმობს მხოლოდ ჰომოგენური ჯგუფების გამოკითხვის ალბათობას.

აღნიშნული რისკი ჩვენს კვლევას არ გააჩნია, რადგან საკვლევი ობიექტი არის მთლიანი სოფელი და იქ არ ვხვდებით მხოლოდ გარკვეული ნიშნით დაჯგუფებულ ადამიანებს (მაღალი ფენა, საშუალო ფენა, დაბალი ფენა), პირიქით, აქ არის ყველა ფენის მოსახლეობა და მსგავსი რისკის წარმოშობის ალბათობა ფაქტიურად არ არსებობს. ხოლო თუ კვლევისას შეიმჩნევა მსგავსი რისკის მცირე ალბათობა მაინც, მაშინ შესაძლებელია დამატებითი სტრატეგიები შერჩევის გამოყენება, რაც გულისხმობს საზოგადოების სტრატეგიად (ფენებად) დაყოფას და თითოეული ფენისთვის ცალკე სისტემურ შერჩევას. აღნიშნული რისკი შეფასებული იქნება თვისებრივი კვლევისა და უშუალოდ სოფლებზე დაკვირვების პროცესში.

მოსახლეობის (საკვლევი გენერალური ერთობლიობის) თანაბარი ჩართულობის შესაძლებლობას, გარდა ზემოთ დასახელებული შერჩევის მეთოდებისა, უზრუნველყოფს აგრეთვე ის გარემოება, რომ შერჩევის მეთოდზე რაიმე მნიშვნელოვანი ჩარევის ზემოქმედება გამოირიცხება სავსე სამუშაოებისას. შესაბამისად, ალბათური შერჩევის სისტემური მეთოდის გამოყენებისას ცდომილება არ აჭარბებს 5%-ს.

კვლევის დიზაინი

პროექტი „სუფთა გარემო ნარჩენების გარეშე“ განხორციელდა გორის მუნიციპალიტეტის ქალაქსა (ნარჩენების მართვის მხრივ გამოვლენილ პრობლემურ უბნებში⁴) და ხუთ სოფელში, სადაც შედარებით მწვავედ იდგა ნარჩენების მართვის საკითხი. კვლევის ფარგლებში გამოყენებული იყო შერეული კვლევის დიზაინი, რამაც მოგვცა კომბინირებულად, რამოდენიმე კვლევის მეთოდის გამოყენების საშუალება.

აღნიშნული დიზაინი ერთი შედეგის გათვალისწინებით მეორე კვლევის დაგეგმვისა და მასში წინა კვლევის მონაცემების გამოყენების საშუალებას იძლევა, რაც ამცირებს სავსელე სამუშაოებისას რისკებსა და ცდომილებებს, ეს კი თავისთავად ზრდის კვლევის სანდოობასა და მონაცემთა სიზუსტეს. კვლევის ფარგლებში თავდაპირველად შევისწავლეთ საკანონმდებლო პოლიტიკის, ევროკავშირის ასოცირებისა და ხუთწლიან სტრატეგიულ გეგმასთან დაკავშირებული დოკუმენტები, ასევე ნარჩენების მართვის სისტემის მუშაობასთან დაკავშირებული მიმდინარე სამუშაოების აღწერილობა. გამოვითხოვეთ და დავამუშავეთ საჯარო ინფორმაცია გორის მუნიციპალიტეტის მერიიდან და იმ საჯარო უწყებებიდან, რომლებიც პასუხისმგებლები არიან გორის მუნიციპალიტეტში ნარჩენების მართვის ხუთწლიანი სტრატეგიული გეგმის განხორციელებაზე და ჩართულნი არიან სამუშაო პროცესში.

მიღებული მონაცემების დამუშავების შემდგომ დაკომპლექტდა ფოკუს ჯგუფები. სამიზნე ქალაქიდან და ხუთი სოფლიდან შეირჩა 23 მონაწილე სამი ფოკუს ჯგუფისათვის. ისინი წარმოადგენდნენ გამოვლენილი დარღვევების ზონაში მცხოვრებ 18-50 წლის ადამიანებს, გენდერული ბალანსის შეძლებისდაგვარად დაცვით (მსგავსი საკითხების კვლევისას ძირითადად ქალები აქტიურობენ). გამოვიყენეთ აგრეთვე სპეციალური შერჩევის მეთოდი („რეკრუტი“), რის მიხედვითაც რესპოდენტებად შევარჩიეთ ის ადამიანები, ვინც ინფორმირებულები იყვნენ ფოკუს კვლევებისა და მისი ამოცანების თაობაზე. ჩვენ მიემართავდით ამ ჯგუფებს დამატებით, თუ ამას მოითხოვდა საჭიროება.

გათვალისწინებული იყო გარკვეულ ფოკუს-ჯგუფებთან დაკავშირებული რისკფაქტორები, რაც გულისხმობს იმას, რომ შესაძლებელია რესპოდენტები ყოფილიყვნენ სუბიექტურები, ან მგრძნობიარენი ისეთი საკითხებისადმი, რაც არაპირდაპირ კავშირშია ნარჩენების მართვასა და გარემოს დაბინძურებასთან და გამონეულია პოლიტიკური ან სხვა პირადი შეხედულებებით.

ფოკუს-ჯგუფების შერჩევის შემდეგ შემუშავდა რაოდენობრივი კვლევის კითხვარი, რისი საშუალებითაც შევძელით სამიზნე სოფლებში არსებული სიტუაციის გაანალიზება. კერძოდ, დავითვალეთ ნაგვის გატანის სიხშირე, შევაფასეთ მომსახურების ხარისხი და ამ მხრივ მოსახლეობის კმაყოფილება. ყურადღება მივაქციეთ ყველა იმ დეტალს, რამაც მოგვცა ზუსტი სურათი ნარჩენების მართვისა და უსაფრთხო გარემოს მდგომარეობის შესაფასებლად. რაოდენობრივი კვლევა ჩატარდა 18-75 წლის რესპოდენტებთან და იგი მთლიანად სისტემურ შერჩევაზე იყო დაფუძნებული. იმისათვის, რომ თითოეულ სოფელში ყველა მოქალაქეს ჰქონოდა თანაბარი მონაწილეობის საშუალება და ორივე სქესის წარმომადგენლები თანაბრად ყოფილიყვნენ ჩართულნი, სისტემური შერჩევის შიგნით გამოვიყენეთ კვოტური შერჩევის მეთოდიც. რაოდენობრივი კვლევის საშუალებით სამიზნე სოფლებში სულ გამოიკითხა 370-ზე მეტი რესპოდენტი. კვლევა განხორციელეს ჩვენმა მოხალისეებმა 5 დღის განმავლობაში, ხოლო მიღებული მონაცემები დაჯამდა MS Excel-ისა და IBM SPSS-ის ფორმატში.

4 ახალგაზრდა მკვლევართა და ანალიტიკოსთა გაერთიანება „2017 წლის საბიუჯეტო პრიორიტეტების კვლევა“, გორი 2016წ.

კვლევის ანალიზი

საველე სამუშაოები მიმდინარეობდა 2019 წლის ივნისი-ივლისის პერიოდში და თავდაპირველად კვლევა განხორციელდა სამ ფოკუსჯგუფში, ორი მათგანი – კარბში და ახალუბანში, სადაც მონაწილეობას იღებდნენ მეჯვრისხევისა და მერეთის მაცხოვრებლებიც. ხოლო მესამე ფოკუსჯგუფი შედგა გორში და ამ შემთხვევაშიც, გარდა ქალაქის მაცხოვრებლებისა, მონაწილეობა მიიღეს სოფელ კარალეთის და ვერხვების დევნილთა დასახლებაში მცხოვრებმა მოსახლეობამ.

აღსანიშნავია, რომ ყველა სოფელის რესპოდენტებს ჰქონდათ ერთი და იმავე სახის პრობლემები და მნიშვნელოვანი განსხვავება მათ პასუხებს შორის არ ყოფილა.

მონაცემების გაანალიზების შემდეგ დაიგეგმა საველე სამუშაოები რაოდენობრივი კვლევის, პირის-პირი ინტერვიუ-ანკეტირების მეთოდით. გამოიკითხა 360-ზე მეტი რესპოდენტი, რომელთა მონაცემებიც დაჯამდა სტატისტიკური პროგრამა IBM SPSS-ისა და MS Excel-ის ფორმატით.

• თვისებრივი კვლევის ანალიზი

თვისებრივი კვლევის მეთოდებიდან გამოვიყენეთ ფოკუსჯგუფებში ინტერვიუს ჩატარების მეთოდი. როგორც აღვნიშნეთ, ერთი ჩატარდა გორში ადგილობრივ მოსახლეობასთან და ორი – გორის მუნიციპალიტეტის ორ სოფელში, ახალუბანსა და კარბში. სამივე ფოკუსჯგუფში დისკუსიისას ვხვდებოდით ერთსადაიმევე პრობლემებს და კითხვებზე პასუხებიც არ იყო ერთმანეთისაგან მნიშვნელოვნად განსხვავებული. დისკუსია დაახლოებით ერთი საათი გრძელდებოდა.

შეკითხვების მიზანი იყო მოსახლეობისაგან მაქსიმალური ინფორმაციის მიღება. კითხვები ეხებოდა იმას, თუ როგორ ხორციელდებოდა ნარჩენების მართვა ხელისუფლების მხრიდან, ცნობებს სტიქიური ნაგავსაყრელების, სასმელი წყლის ხარისხისა და ზოგადად, მოსახლეობის ქცევის შესახებ. ყოველივე ამან მოგვცა საშუალება დაგვეგეგმა რაოდენობრივი კვლევა და შეგვედგინა შესაბამისი კითხვარები.

დისკუსიისას პირველი შეკითხვები ეხებოდა ნაგვის ურნების განთავსებას სოფლის/ქალაქის მასშტაბით. ორივეგან, ქალაქსა და სოფელში ურნები განთავსებულია ძირითადად ცენტრალურ გზებზე, განაპირა, მეორეხარისხოვან გზებზე ნაგვის ურნები თითქმის არ გვხვდება, რაც შეიძლება ნაწილობრივ იმით იყოს გამოწვეული, რომ ასეთ გზაზე რთულია დიდი ზომის ნაგვისმცლელი მანქანების შესვლა. მეორე მიზეზი შეიძლება იყოს, ზოგადად, რესურსის ნაკლებობა, ფაქტია, რომ განთავსებული ურნებიც ცოტაა და არასაკმარისი. ცალკე აღსანიშნია მომსახურების პრობლემაც. სოფლის შემთხვევაში ურნები იცლება კვირაში ერთხელ ან ორჯერ, რაც არაა საკმარისი სრულყოფილი მომსახურებისათვის. ქალაქშიც იკვეთება მსგავსი პრობლემები, განსაკუთრებით ეს ეხება განაპირა ქუჩებს, სადაც ძალიან ცოტაა ნაგვის ურნები და გატანის სიხშირეც ძალზე დაბალია – დაახლოებით კვირაში ერთხელ. ეს პრობლემა ეხება არა მხოლოდ ცალკეულ უბნებს, არამედ ქალაქის ყველა რაიონს, მათ შორის ცენტრალურ ქუჩებსაც. მაგალითისთვის შეგვიძლია დავასახელოთ რუსთაველის ქუჩა, გელდიშვილის ქუჩა. ქალაქის მოსახლეობა საუბრობდა აგრეთვე სკვერებსა და პარკში სანაგვე ურნების ნაკლებობაზე ან თითქმის არარსებობაზე, ასევე დაზიანებულ და გამოსაცვლელ ურნებზე. ამის გამო მათ ხშირად უწევთ ნაგვის ხელით ტარება შორ მანძილზე. როგორც ვხედავთ იკვეთება შემდეგი პრობლემები: ურნების ნაკლებობა ზოგადად და განსაკუთრებით არაცენტრალურ ქუჩებზე, ხშირად ურნების საერთოდ არარსებობა მეორად ქუჩებზე, ნაგვის გატანის მომსახურების არასაკმარისი სიხშირე, დაზიანებული ურნები.

„მოსახლეობა დიდია ცენტრალური ქუჩების მიღმა, ასე ვთქვათ ეს მეორეხარისხოვანი გზები რაც არის, იქით საერთოდ არაა სანაგვე ურნები და მანქანებიც არ შემოდიან, ამიტომ საკმაოდ შორი მანძილია ახლო ნაგვის ურნამდე და ისიც ყოველთვის სავსეა“ – ამბობს ერთ-ერთი სოფლის მცხოვრები კვლევისას. იგივე პრობლემა აწუხებს ყველას, ვინც არაცენტრალურ უბანში ცხოვრობს. რესპოდენტებს დამატებით დაეუსვით კითხვები მოსახლეობის ცნობიერების შესახებ, თუ რამდენად იცავენ ისინი სისუფთავეს, ყრიან თუ არა ნაგავს ნაგვის ურნებში და რას ფიქრობენ სტიქიური

ნაგავსაყრელების გაუქმებაზე. ამ კითხვებით ძირითადად სოფლის მოსახლეობას მივმართეთ. ქალაქში უფრო მეტად იყენებენ ურნებს, მაგრამ თუ ურნა სავსეა, ნაგავს ურნის გვერდზე, ძირს დებენ, თუმცა არის უარესი შემთხვევებიც, როგორც ერთი რესპოდენტი ამბობს: **„ჩემი მეზობლები პირდაპირ პარკებით ისვრიან ფანჯრიდან ნაგავს და მთელი ეზო და კორპუსის უკან მიმდებარე ტერიტორია დანაგვიანებულია“**. მსგავსი პრობლემა გამოვლინდა ქალაქის სხვადასხვა უბანში, მაგრამ ასეთი შემთხვევები მაინც ერთეულია ქალაქში. რაც შეეხება სოფლის მოსახლეობას, რესპოდენტის თქმით: **„ცდილობენ მიეჩვიონ ნაგვის ურნაში მოთავსებას და აღარ გადაყარონ მდინარის პირას ან სოფლის განაპირას მიმდებარედ“**. იმ შემთხვევაში, როდესაც ურნა სავსეა, მოსახლეობა ტომრებითა და პოლიეთილენის პარკებით ურნის გვერდით ტოვებს ნაგავს, რომელსაც შემდეგ შინაური ცხოველები ქეჩავენ და ფანტავენ ცენტრალურ ქუჩებში. ხშირად, როცა ურნა სავსეა, მოსახლეობას კვლავ სტიქიურ ნაგავსაყრელებზე გააქვს საყოფაცხოვრებო თუ სხვა სახის ნარჩენები. კითხვაზე – გაგაქვთ თუ არა ნაგავი სტიქიურ ნაგავსაყრელებზე, რესპოდენტთა უმეტესობა დადებითად პასუხობდა, ამბობდნენ, რომ სტიქიური ნაგავსაყრელები კვლავ მოქმედია. მართალია, შემცირდა საყოფაცხოვრებო ნაგვის გადაყრის შემთხვევები, მაგრამ სამშენებლო და სოფლის მეურნეობის ნარჩენები მაინც გროვდება.

სოფლის მაცხოვრებელ რესპოდენტთა აბსოლუტური უმრავლესობა წარსულში იყო სტიქიური ნაგავსაყრელების მომხმარებელი. მათ ნაწილს დღესაც უწევს მიმართოს მსგავს ხერხს. მათი თქმით, გადავსებული ურნების გამო უწევთ ნაგვის გატანა მდინარის პირას და იქ დაყრა: **„სოფლის მეურნეობისა და საყოფაცხოვრებო ნარჩენები, რაც იწვის – იმას ვწვავთ, რისი დანვაც რთულია – იმას მდინარის პირას ვყრიან ხოლმე“**. მიუხედავად ამისა, მოსახლეობის განწყობიდან ჩანს, რომ მათ აქვთ სურვილი შეამცირონ მსგავსი პრაქტიკა და თუკი ამას კვლავ აკეთებენ, მხოლოდ იმიტომ, რომ იძულებულნი არიან.

უკანონო ნაგავსაყრელები ქალაქშიც და სოფელშიც ძირითადად მდინარის ნაპირებზეა წარმოქმნილი. ჩვენს შემთხვევაში, ქალაქში ეს იყო ლიახვის სანაპირო ზოლი, რომლის მიმდებარედაც, ქალაქის ნაწილში, განთავსებულია აგრარული ბაზარი. სოფლებში მსგავსი ნაგავსაყრელები ყველა მდინარისა და არხის სანაპირო ზოლის ჩაყოლებაზე გვხვდება. რესპოდენტებმა დამატებით დაბინძურებულ ზონებად დაასახელეს სოფლებში – სოფლის მეურნეობების მიმდებარე ტერიტორიები, ქალაქებში – შიდა ეზოები და სკვერები.

სავსე ნაგვის ურნების პრობლემაზე უკვე ვისაუბრეთ. ასევე მოსახლეობაზე, რომელიც სავსე ურნების გამო, იძულებულია მოიქცეს ისე, როგორადაც ეს მას არ უნდა – დატოვოს ნაგავი ნაგვის ურნებთან. მხოლოდ მცირე ნაწილმა თქვა, რომ ასეთ შემთხვევებში ნაგავი უკან მიაქვს და ელოდება ურნის დაცლას. მსგავსი პრობლემა ქალაქის მოსახლეობისთვის გაცილებით იშვიათია, რადგან ბევრად მარტივია თავისუფალი ურნის ნახვა მათ სიახლოვეს.

დასმულმა შეკითხვამ, თუ რა ტიპის ნაგავს ყრის მოსახლეობა ურნებში, მწვავე დისკუსია გამოიწვია. შეიმჩნეოდა ერთგვარი გაღიზიანებაც. აღმოჩნდა, რომ ურნაში ყრიან ისეთ ნარჩენებს, რომელთა გამოყენება სასოფლო მეურნეობაში კვლავაც შესაძლებელია. მაგალითად, ბალახი, ეზოს ნაგავი, ფიჩხი, კვიშა, და ა.შ. ისინი გამოიყენება სანვავ მასალად და უსაფრთხოა წვისას. ხშირია შემთხვევები, როდესაც ურნებში ყრიან: ბლოკს და სამშენებლო მასალებს, თუნუქს, აზბესტს.

რესპოდენტები ამბობდნენ, რომ ხშირად წვანენ ფოთლებს. მათ ნაწილს არ ჰქოდა ინფორმაცია ფოთლების წვის შედეგად გამოყოფილ მავნე ნივთიერებებზე. არ იცოდნენ კომპოსტირების, მისი სასოფლო – სამეურნეო სასუქად გარდაქმნის შესახებ და არ ჰქონდათ სხვა სასარგებლო ინფორმაცია, რაც შეამცირებდა ნარჩენების რაოდენობას და დაზოგავდა მათ ფინანსებს.

სანაგვე ურნების განთავსება სოფლებში მასიურად დაიწყო ბოლო წლებში და სახელმწიფოს მიერ არის სუფსიდირებული. უმეტეს შემთხვევაში გადასახადი არ არსებობს შესაბამისი მომსახურების მიღებისას. კითხვაზე – თუ გადაიხდიდნენ ნაგვის მოსაკრებელს – უმეტესობამ გამოთქვა მზაობა.

„გადავიხდი ნაგვის მოსაკრებელს, მაგრამ უფრო მეტს მოვთხოვ ხელისუფლებას, რომ ორ დღეში ერთხელ მაინც გაიტანონ ნაგავი და ურნები იყოს ყველა უბანში“ – აღნიშნა ერთ-ერთმა რესპოდენტმა.

ამ აზრს ბევრი იზიარებს და ამბობს, რომ ძნელად მისადგომ უბნებში შესაძლებელია უფრო მცირე ზომის ნაგვის გამტანი მანქანების გამოყენება. რაც შეეხება გადასახადს, მოსახლეობის აზრით, ის სავალდებულო უნდა იყოს ყველასათვის. თუ ეს გადასახადი მიზნობრივად იქნება გამოყენებული, დაიდგმება დამატებითი ნაგვის ურნები, დაემატება ნაგვის გამტანი მანქანები, ეს შეამცირებს ნაგავსაყრელებზე ნაგვის გატანას და სტიქიურად წარმოშობილი ნაგავსაყრელების გაჩენას. დღევანდელი მდგომარეობით მოსახლეობა ნარჩენების განთავისუფლებისაგან გამოსავალს კვლავ ნაგავსაყრელების გამოყენებაში ხედავს, ეს განსაკუთრებით ეხება სამშენებლო ნარჩენებს. ამიტომაც სოფლებში, რესპოდენტების მიერ მოწოდებული ინფორმაციით, მინიმუმ ერთი და მაქსიმუმ სამი უკანონო ნაგავსაყრელიც კი არის.

დამატებით გამოვიკვლიეთ სასმელი წყლის ხარისხის საკითხი, თუ რამდენად დამაკმაყოფილებელია წყლის ხარისხი სოფელსა თუ ქალაქში. აღმოჩნდა, რომ რამდენიმე სოფელში სასმელი წყალი საერთოდ არ არის, რადგან წყალი, რომელიც ბუნებრივად მოედინება არის მლაშე და დაბინძურებული, თუმცა არა ნარჩენებით. რესპოდენტებმა ახსენეს კიდევ ერთი მტკივნეული საკითხი, რომელიც ეხება ჭების სიახლოვეს საპირფარეშოების არსებობას, რაც სასმელი წყლის დაბინძურების ერთ – ერთი წყაროა. სოფლების – კარბის, ახალუბანის, მეჯვრისხევის მაცხოვრებლები საუბრობდნენ იმაზე, რომ მათ შეზღუდულად მიეწოდებათ სასმელი წყალი და ამ პრობლემას ემატება კიდევ ოკუპირებული რეგიონის სამხედრო ბაზებიდან და საგუშაგეებიდან არხებსა და მდინარეში ჩადინებული კანალიზაცია, რაც მნიშვნელოვნად აბინძურებს სასმელ წყალს. ინდუსტრიული და ქიმიური დაბინძურების კერები დასახელებულ სოფლებში არ გვაქვს.

რესპოდენტებთან ინტერვიუს ბოლო ბლოკში განვიხილეთ ადგილობრივ ხელისუფლებასთან კომუნიკაციის საკითხი. კერძოდ, დავინტერესდით უწევდნენ თუ არა მონიტორინგს ნარჩენების მართვას საჯარო უწყების შესაბამისი წარმომადგენლები. გარკვეული კამათის შემდეგ, მოსახლეობის უმეტესობა ამბობდა, რომ არც ნარჩენების მონიტორინგის და არც სხვა, ნარჩენების მართვასთან დაკავშირებულ საკითხებზე მათთან არავინ არ მისულა, არც ინფორმაციული შეხვედრები ჰქონიათ ნარჩენების გადამუშავების, კომპოსტირების თუ მსგავსი საკითხების თაობაზე. ერთადერთი, ვერხვების დევნილთა დასახლება აღმოჩნდა ქალაქში, სადაც პერიოდულად მიმდინარეობს უკანონო ნაგავსაყრელებისა და გარემოს დაბინძურების მონიტორინგი.

სამუშაო შეხვედრის ბოლოს, დაზუსტების მიზნით, რესპოდენტებთან კიდევ ერთხელ გადავამოწმეთ სასოფლო-სამეურნეო ნარჩენების საკითხი. მათ დაადასტურეს, რომ ისინი საყოფაცხოვრებო ნარჩენებს ან წვავენ ან ყრიან მდინარეების ნაპირებზე, ხოლო ფოთლებს და იმას, რაც ნეშომპალად გადაიქცევა ტოვებენ. წვის შედეგად წარმოშობილ მავნე ნივთიერებების შესახებ, არცერთ რესპოდენტს არ ჰქონდა ინფორმაცია. მათ არა აქვთ ინფორმაცია აგრეთვე კომპოსტირებისა და მისი უპირატესობების თაობაზე.

განვიხილეთ ნაგვის სეპარირების თემაც, რაც ევროკავშირის ასოცირების ხელშეკრულებით გათვალისწინებული ერთ – ერთი მნიშვნელოვანი საკითხია. საქართველოს აქვს ნაკისრი ვალდებულება დაარეგულიროს ეს საკითხი. დისკუსიისას რესპოდენტები გაიყვნენ თანაბარ ნაწილად 50/50-ზე. ერთი ნაწილი იწონებდა და ეთანხმებოდა რეფორმის მოთხოვნას, ხოლო მეორე ნაწილი სკეპრიკულად უყურებდა ამ საკითხს და ამბობდა, რომ საქართველოს რეალობაში რეფორმით გათვალისწინებული ეს მოთხოვნა ვერ შესრულდება.

• კვლევიდან გამომდინარე რეკომენდაციები:

სამუშაო შეხვედრის ბოლოს რესპოდენტებს ვთხოვეთ თავად შეეჯამებინათ შეხვედრა და მოეცათ რეკომენდაციები, რასაც ჩვენ ავსახავდით საბოლოო ანგარიშში. გთავაზობთ ფოკუს-ჯგუფის რეკომენდაციებს:

- პლასტიკის ბოთლების ჩაბარება/გადამუშავება;
- ნაგვის სეპარირება;

- ნარჩენების გადამამუშავებელი ქარხნები;
- ნაგვის ურნების დამატება;
- მცირე ზომის სანაგვე ურნების დამატება/განთავსება;
- სასაფლაოებზე ნაგვის ურნების დადგმა;
- ტურისტულ ზონებში ნაგვის ურნების განთავსება;
- სანაგვე ურნების სადეზინფექციო ხსნარით დამუშავება წელიწადში რამდენჯერმე;
- თავსახურიანი ნაგვის ურნები;

მკვლევარის რეკომენდაციები

ვფიქრობთ, რომ კვლევამ ჩაიარა წარმატებით. კვლევისას გამოიკვეთა გარკვეული პრობლემები. მთავარი, რისი თქმაც შეგვიძლია, არის ის, რომ თვითმმართველობის მიერ შეთავაზებული სერვისი ვერ აკმაყოფილებს რეალურ საჭიროებასა და მოთხოვნას. კვირაში ერთხელ ან ორჯერ ნაგვის ურნების დაცლა ვერ უზრუნველყოფს სტიქიური ნაგავსაყრელების შემცირებას. ასოცირების ხელშეკრულების შესასრულებლად მომსახურების სერვისი უნდა გაუმჯობესდეს და გახდეს გაცილებით ინტენსიური. მეტი ყურადღება უნდა მიექცეს ზედაპირული წყლების დაბინძურების პრევენციას, რაც თავის მხრივ, პირდაპირ კავშირშია სტიქიური ნაგავსაყრელების არსებობასთან.

თუ არ მოგვარდა ნაგვის გატანის პრობლემა, გორის მუნიციპალიტეტში სტრატეგიით განსაზღვრული ნაგვის სეპარირების რეფორმის გატარება გართულდება და შესაძლოა ვერც განხორციელდეს. გადავსებული ნაგვის ურნები ხელს შეუშლის ნარჩენების სეპარირებას, არავინ დაიცავს ნაგვის კლასიფიკაციისათვის განკუთვნილი ურნების გამოყენებას და მოხდება ნარჩენების აღრევა. ამიტომ ნაგვის სეპარირების რეფორმის გატარებამდე მნიშვნელოვანია პირველ ეტაპზე გაიზარდოს ნარჩენების მართვის ეფექტიანობა, ამისათვის კი გათვალისწინებული უნდა იყოს შემდეგი რეკომენდაციები:

- სოფლებში განთავსდეს დამატებით სანაგვე ურნები მეორეხარისხოვან გზებსა და ჩიხებში;
- სოფლებში ნაგავი გაჰქონდეთ მინიმუმ ორ-სამ დღეში ერთხელ;
- სოფლებში დაწესდეს ნაგვის გატანის სავალდებულო მოსაკრებელი, რაც გაზრდის მოსახლეობის პასუხისმგებლობას;
- დაწესდეს ჯარიმები სტიქიურ ნაგავსაყრელზე ნაგვის გადაყრაზე;
- პერიოდულად ხორციელდებოდეს ინფრასტრუქტურისა და სტიქიური ნაგავსაყრელების მონიტორინგი.

• რაოდენობრივი კვლევის ანალიზი

რაოდენობრივი კვლევა მიმდინარეობდა ივლისის თვეში ათი (10) დღის განმავლობაში. კვლევამ მოიცვა 370-ზე მეტი ოჯახი. თითოეულ ოჯახში გამოიკითხა ერთი რესპონდენტი წინასწარ შედგენილი შერჩევის საფუძველზე. (შერჩევის მეთოდი და მექანიზმები დანვრისგან არის აღწერილი ნაშრომის პირველ ნაწილში). კვლევის ცდომილება არის $\pm 5,09\%$. სტატისტიკური განზოგადების თვალსაზრისით ცდომილების ეს პროცენტი კვლევის სანდოობას არ აყენებს ეჭვის ქვეშ და შეგვიძლია განვაზოგადოდ მთლიან, გენერალურ ერთობლიობაზე.

კვლევამ მოიცვა მთლიანი გორის მუნიციპალიტეტი, სადაც შერჩევის საფუძველზე გამოკითხვა ჩატარდა წინასწარ შერჩეულ სოფლებში – მერეთი, ახალუბანი, კარალეთი, გარეჯვარი, კოშკა, ახრისი, კარბი და გორის შვიდივე ადმინისტრაციული ერთეული. შესაბამისად, ქალაქი – სოფლის თანაფარდობა არის 45% – 55% – ზე. სოფელში მაცხოვრებელი რესპონდენტის მეტობა გამოიწვია სოფლად არსებული პრობლემების სიმწვავემ. დავამატეთ კარალეთის თემი, რამაც გაზარდა სოფლის რესპოდენტთა რაოდენობა.

კითხვარი დაყოფილი იყო რამდენიმე ბლოკად და მოიცავდა შემდეგ საკითხებს: ნაგვის გატანის, ქუჩების დასუფთავების, სასმელი წყლის და ჰაერის ხარისხის, მოსაკრებლის გადახდის და ბოლოს, დემოგრაფიული მონაცემების შეგროვების. ინტერვიუს დასაწყისში ინტერვიუერი დამსწრეებს აცნობდა კვლევის მიზანს და ამოცანებს, რის შემდგომაც ის იწყებდა გამოკითხვას. პირველი შეკითხვა შეეხებოდა ნაგვის ურნების განთავსებას რესპონდენტთა საცხოვრებელ უბნებში, რასაც 88,5% დადებითად პასუხობდა, რომ არის განთავსებული, ხოლო 11,3% – უარყოფითად. მეორე კითხვით ვარკვევდით, რამდენად საკმარისი იყო განთავსებული ნაგვის ურნები – 50,5% ამბობდა, რომ საკმარისია, 28,6% – სთვის არ იყო საკმარისი, 19% – მა კი აღნიშნა, რომ სასურველი იქმებოდა ურნების დამატება. საინტერესო იყო შეკითხვა ქუჩის მცირე ზომის ნაგვის ჩასაყრელად განკუთვნილ პატარა სანაგვე ურნებთან დაკავშირებით. რესპონდენტების 15% – მა გვითხრა, რომ ასეთი ურნები მათი საცხოვრებელი ტერიტორიის სიახლოვეს არის განთავსებული, 84% – მა კი უარყოფითად უპასუხა. კითხვაზე, არის თუ არა ასეთი ურნების განთავსების საჭიროება, რესპოდენტთა 45% – მა გვიპასუხა, რომ არის, ხოლო 36% – ამის საჭიროებას ვერ ხედავდა. აღნიშნულ ბოლო კითხვას ინტერვიუერები უსვამდნენ მათ, ვინც წინა შეკითხვაზე პასუხობდა, რომ მცირე ზომის ნაგვის ურნები არ იყო განთავსებული მათ საცხოვრებელ ზონებში.

რესპოდენტთა საცხოვრებელ ტერიტორიებზე ქუჩების დასუფთავებასთან დაკავშირებულ კითხვაზე გამოკითხულთა პასუხების პროცენტული მაჩვენებელი შემდეგია: 28% – კვირაში რამდენჯერმე; 23% – თავისი ძალებით ასუფთავებს, 16% – ყოველდღე სუფთავდება შესაბამისი სამსახურის მიერ; 14% – კვირაში ერთხელ სუფთავდება; 10% – არასდროს არ სუფთავდება; 3% – თვეში ერთხელ; 2% – თვეში რამდენჯერმე;

1% – წელიწადში რამდენჯერმე. შემდეგი კითხვა ეხებოდა იმას, რამდენად კმაყოფილები იყვნენ მომსახურების და სისუფთავის ხარისხით. აღმოჩნდა, რომ 68% კმაყოფილია სისუფთავის ხარისხით, ხოლო 31% – არა. ამის შემდეგ, იმ რესპოდენტებს, რომლებიც უკმაყოფილებას გამოხატავდნენ სისუფთავის ხარისხთან დაკავშირებით, ვეკითხებოდით თუ რა შეიძლებოდა გაკეთებულიყო ამ პრობლემის მოსაგვარებლად: 9% – მა დაგვისახელა ურნების დამატება; 6% – მა – უფრო ხშირად დასუფთავება; 4% – მა სხვადასხვა ვარიანტი შემოგვთავაზა, მაგალითად: დასუფთავების აქციები, მდინარის კალაპოტების გაწმენდა და სხვა. 3%-მა მოსახლეობის ცნობიერების ამაღლება, 2% – მა მეზოვეების დამატება, ხოლო 1% -მა მცირე ზომის ურნების დამატება, ნაგვის დროული გატანა და დასუფთავების სამსახურის გააქტიურება.

რაც შეეხება ნაგვის გატანის სიხშირის თაობაზე დასმულ კითხვას, პროცენტები ასე გადანაწილდა: 39% – ნაგვის ურნებს ასუფთავებს სპეციალური სამსახური კვირაში რამდენჯერმე; 26% – კვირაში ერთხელ; 25% – ყოველდღიურად; 2% – კვირაში ერთხელ; 2% – ნაგავი გააქვთ მაცხოვრებლებს; 1% – არასდროს არ გააქვთ.

კითხვარის შემდგომი ბლოკი შეეხებოდა უშუალოდ სასმელ წყალსა და მის ხარისხს, რესპოდენტებს ვეკითხებოდით, აკმაყოფილებდათ თუ არა სასმელი წყლის ხარისხი. აღმოჩნდა, რომ 58%-ს აკმაყოფილებს, ხოლო 41%-ს – არა. ასევე ვუსვამდით კითხვას გემოვნურ თვისებებთან დაკავშირებით, აქაც იგივე მონაცემები მივიღეთ: 58%-ს აკმაყოფილებს გემოვნური თვისებები, ხოლო 38%-ს – არა. განსატვირთი შეკითხვის სახით მონაწილეებს შევეკითხეთ იხდიდნენ თუ არა ნაგვის მოსაკრებელს. აღმოჩნდა, რომ 52% იხდის ყოველთვიურად, 35% კი – არასდროს. 7% წელიწადში რამდენჯერმე იხდის, ხოლო წელიწადში ერთხელ იხდის 2%. ამ შეკითხვის ძირითადი არსი მდგომარეობდა იმაში, რომ გაგვეჩვენა, თუ რამდენად პასუხისმგებლობით ეკიდება მოსახლეობა ნაგვის მოსაკრებლის გადახდას, ჯამში აღმოჩნდა, რომ 64% იხდის დასუფთავების მოსაკრებელს.

შევამოწმეთ აგრეთვე საზოგადოებაში ახალი ინიციატივის მიმდებლობა, კერძოდ ნაგვის მოსაკრებლის მიზმა ელექტროენერგიის გადასახადზე, ისე როგორც ეს დედაქალაქშია⁵, აღნიშნული ინიციატივა გამოკითხულთა 47%-ისთვის არაა მისაღები, 30%-ისთვის – მისაღებია; 14%

5 გორის მუნიციპალიტეტის მერიისა და CENN-ის საჯარო შეხვედრა მოსახლეობასთან

ამბობს, რომ სავსებით მისაღებია, ხოლო 8%-ისთვის საერთოდ მიუღებელი. უარი პასუხზე გვთხრა გამოკითხულთა 2%-მა.

კითხვაზე თუ დღის რომელ მონაკვეთში ყრის გორის მუნიციპალიტეტის მოსახლეობა საყოფაცხოვრებო ნარჩენებს, გამოვლინდა: 59% ყრის მაშინ, როცა ამის საჭიროებაა, 20% – დილით, 16% – საღამოს და 4% – შუადღით. ასევე გვექონდა შეკითხვა ნაგვის დახარისხების და ისე გადაყრის თაობაზე. აღნიშნულ საკითხზე მზაობა აქვს 74%-ს, 22%-ს კი – არა, ხოლო 3%-მა არ იცის. მსურველებს ვეკითხებოდით რამდენად ჰქონდათ საცხოვრებელ ფართში სეპარირებისთვის შესაბამისი სივრცის გამოყოფის საშუალება. აღმოჩნდა, რომ 45%-ს – აქვს, 32% – ს კი – არა. 14% – შეეცდებოდა, გამოძებნოს საშუალება. რაც შეეხება განწყობას, იმუშავენ თუ არა ნაგვის სეპარირების მეთოდი მოსახლეობაში, გამოკითხულთა 35% გვპასუხობს, რომ იმუშავენ, 22% – ვერ იმუშავენ, 20% – უფრო ვერ იმუშავენ, ვიდრე იმუშავენ და 16% – უფრო იმუშავენ, ვიდრე ვერა, ხოლო 5%-მა – არ იცის.

საინტერესოა, თუ როგორ იქცევიან მოქალაქეები, როდესაც სავსეა ნაგვის ურნები. 26% -მა რესპონდენტებისამ თქვა, რომ ტოვებს ნაგავს ურნებთან (ამას ადასტურებს სოფლებში გამოვლენილი შემთხვევებიც, როცა სავსე ნაგვის ურნებთან დატოვებული იყო ნაგავი ტომრებითა და პოლიეთილენის პარკებით); 25% – ეძებს სხვა ურნას, 22% -ს უკან მიაქვს სახლში, 2% – ყრის სხვა ადგილას და 19%-მა გაგვცა სხვადასხვა პასუხი. რესპოდენტები ამბობდნენ, რომ არ შეხვედრიათ გადავსებული ნაგვის ურნები. ამ პრობლემას პასუხებში ძირითადად ქალაქის მოსახლეობა აღნიშნავდა.

უშუალოდ სტიქიურ ნაგავსაყრელებთან დაკავშირებით 39%-მა გვითხრა, რომ აქვს ამაზე ინფორმაცია, ხოლო 55%-მა თქვა, რომ არა აქვს, 5%-მა – პასუხი ვერ გაგვცა. მათ, ვისაც ქონდა ინფორმაცია სტიქიურ ნაგავსაყრელებზე, ვეკითხებოდით რამდენი ნაგავსაყრელის შესახებ ქონდათ გაგონილი: 17%-მა დაასახელა ერთი ნაგავსაყრელი; 12% მა – ორი; 6% მა – სამი და უფრო მეტი; 4%-მა ვერ დაგვისახელა სტიქიური ნაგავსაყრელების განთავსების კონკრეტული ადგილი; მათ მიერ მონოდებული ინფორმაციის მიხედვით 25% განთავსებულია მდინარის ნაპირებთან, 6% – ხევებში, 4% – მიტოვებულ შენობა-ნაგებობებში და 2% – სასოფლო-სამეურნეო დანიშნულების ობიექტებთან. რაც შეეხება ნაგვის სახეობებს, 44% ყრის ყველანაირ ნაგავს აღნიშნულ სტიქიურ ნაგავსაყრელებზე, 24% – საყოფაცხოვრებოს, 17% – პლასტმასს და პოლიეთილენს, შუშას – 3%, ხოლო სხვა პასუხი დაგვისახელა 6%-მა.

კვლევის ძირითად ბლოკში ბოლო შეკითხვები შეეხებოდა ჰაერის ხარისხსა და დაბინძურების მიზეზებს. კერძოდ, რამდენად მოსწონთ გამოკითხულ რესპონდენტებს ჰაერის ხარისხი მათ საცხოვრებელ უბანში. აღმოჩნდა, რომ მოსახლეობის 82%-ს – აკმაყოფილებს, ხოლო 15%-ს – არა. მათ, ვისაც არ აკმაყოფილებს ჰაერის ხარისხი, ვეკითხებოდით, თუ რა ინვესტ ჰაერის დაბინძურებას. 52%-მა გვითხრა, რომ ეს არის მანქანის გამონაბოლქვი; 13%-მა დაგვისახელა ნაგავსაყრელები, 7%-მა – ნარჩენების წვის შედეგად მიღებული ნივთიერებები, 4 – 4% – მა გამწვანების ნაკლებობის, კანალიზაციის, სანარმოების და რკინიგზის მუშაობით გამოწვევილი შედეგები, ხოლო 2% – მა – მშენებლობა.

რაც შეეხება გენდერულ თანაფარდობას, გამოკითხულ რესპონდენტთა 60% არის ქალი, ხოლო 39% – მამაკაცი. ასაკობრივი თვალსაზრისით ჯგუფებში გვხვდებოდა ყველა ასაკის რესპოდენტი.

მონაწილეთა საშუალო ასაკი იყო 46 წელი. უფრო ზედმიწევნითი მონაცემებით: 18 – 23 წელი – 14%; 24 – 29 წელი – 13%; 30 – 36 წელი – 11%; 37 – 46 წელი – 16%; 47 – 56 წელი – 19%; 57 – 65 წელი – 21%; ხოლო 65 წელი და მეტის – 6%.

გამოკითხული რესპონდენტების პროცენტული გადანაწილება გორის მუნიციპალიტეტში ასეთია: 3-3% – წმინდანყალი და კომბინატის დასახლება; 10% – ცენტრი; 4% – ვერხვები; 3% – კვერნაკი; 2% – ჭალა; 10% – სადგური. რაც შეეხება რაიონებს: 13% – კარბი; 12% – ახალუბანი; 10% – მერეთი; 9% – ახრისი; 6% – კარალეთი; 4% – კოშკა; 2% – გარეჯვარი; 2% – ძევერი; ზოგადად გორიდან, კლასიფიცირების გარეშე – 8%. დასაქმების სტატუსის თვალსაზრისით: რესპონდენტთა 39%

არის დასაქმებული; 60% – დაუსაქმებელი. დასაქმებულთა შორის 14-14% დასაქმებულია საჯარო და კერძო სექტორებში; 14% – თვითდასაქმებულია. შემოსავლების კუთხით, მიუხედავად იმისა, რომ კონკრეტული თანხის დასახელებისგან თავს იკავებდნენ, გამოიკვეთა, რომ გამოკითხულ რესპოდენტთა 16%-ს აქვს შემოსავალი 200 ლარამდე, 15%-ს – 201 დან 400 ლარამდე; 10%-ს – 601დან 800 ლარამდე; 8% – ს 401დან – 600 ლარამდე, 8%-ს 801დან 1100 ლარამდე; ხოლო 4-4% -ს 1101-დან 1500 ლარამდე და 1501 ლარზე მეტი.

შეჯამების სახით ვიტყვით, რომ რაოდენობრივი კვლევა რაიმე მნიშვნელოვან განსხვავებას ქალაქისა და სოფლის მაცხოვრებლების პასუხებს შორის არ იძლევა. პროცენტული მაჩვენებლებიც თითქმის ერთნაირია. განსხვავება გვაქვს დასაქმებისა და შემოსავლების კუთხით, სადაც ქალაქის მაჩვენებელი მინიმუმ 20%-ით მეტია.

კვლევის მიზნები

რაოდენობრივმა კვლევამ პროცენტულად წარმოგვიჩინა თვისობრივი კვლევის შედეგად მიღებული სურათი: მოსახლეობის პრობლემები, დამოკიდებულება გარკვეული საკითხებისადმი, მოლოდინები, რეკომენდაციები. პირველი, რაც გამოიკვეთა არის ის, რომ ყველა ერთხმად აღიარებს ნაგვის ურნების ნაკლებობას. საუბარია არა მხოლოდ დიდი ზომის, არამედ პატარა სანაგვე ურნებზეც. ეს პრობლემა ძირითადად ქალაქის მოსახლეობას აწუხებს. ქალაქის შემთხვევაში ასევე პრობლემურია ქუჩების დასუფთავება, რადგან ვერ ხერხდება ქალაქის ქუჩების არა თუ ყოველდღიურად, თვეში ერთხელ დასუფთავებაც კი, მაშინ როცა მოსახლეობა იხდის ნაგვის მოსაკრებელს. იკვეთება ნარჩენების მართვის პრობლემაც, განსაკუთრებით სოფლებში, საიდანაც ნაგავი კვირაში მხოლოდ ერთხელ ან ორჯერ გააქვთ სპეციალური ტექნიკით. აღნიშნული პრობლემა თავისთავად ახდენს გავლენას მოსახლეობის მიერ ნაგვის მოსაკრებლის გადახდაზე – 35%-ზე მეტი არ იხდის გადასახადს. რესპოდენტები ამბობენ, რომ ისინი თავს არიდებენ დასუფთავების მოსაკრებლის გადახდას, იმიტომ რომ მათ შესაბამისად არ ეწევათ მომსახურება, არ არის განთავსებული ურნა მათი საცხოვრებლის სიახლოვეს ან არ ხდება დროული გატანა და ა.შ. ამიტომ ისინი არჩევენ სტიქიურად წარმოშობილი ნაგავსაყრელების გამოყენებას, რადგან სხვაგვარად მათ დღეები მოუწევთ ნაგვის მანქანის ლოდინი, ნაგავი კი გასატანი დარჩებათ. თუ გვინდა, რომ რეფორმამ იმუშაოს წარმატებით და დასუფთავების სავალდებულო მოსაკრებელი მაქსიმალურად გადაიხადოს ყველამ, უნდა გაიზარდოს ურნებისა და ნაგვის მანქანების რაოდენობა და უკეთესად ამუშავდეს ნარჩენების მართვის სისტემა.

საკმაოდ პოზიტიური შედეგია (75%) ნაგვის სეპარირების კუთხით მოსახლეობის მზაობისა. მოსახლეობა გამოთქვამს მზადყოფნას დაახარისხოს საოჯახო ნარჩენები, მიუხედავად იმისა, რომ ქალაქის პირობებში ყველას არ გააჩნია ამის შესაძლებლობა. რესპოდენტები ამბობენ, რომ შეეცდებიან სათანადო სივრცე გამოყონ საკუთარ საცხოვრებელ ფართში. მართალია, გარკვეული ნაწილი, სკეპტიკურად არის განწყობილი, მაგრამ ჩვენი აზრით, რეფორმა შეძლებს გორის მუნიციპალიტეტში წარმატებულად მუშაობას, თუკი გატარდება მნიშვნელოვანი საინფორმაციო კამპანია მოქალაქეთა ცნობიერების ასამაღლებლად.

სტიქიური ნაგავსაყრელების არსებობა და „დახურული“ ნაგავსაყრელების კვლავ მუშაობა კიდევ ერთხელ დადასტურდა რაოდენობრივი კვლევის დროს. ეს დადასტურეს რესპოდენტებმაც. აღმოჩნდა, რომ ზოგიერთ სოფელში, სადაც გორის მუნიციპალიტეტის მერიის ინფორმაციით სტიქიური ნაგავსაყრელები დახურულია, ასეთი ნაგავსაყრელები კვლავ ფუნქციონირებს, მართალია, შესაძლოა ნაწილობრივ და არა სრულად, მაგრამ მოსახლეობა მას საკმაოდ აქტიურად იყენებს დღესაც საყოფაცხოვრებო თუ სხვადასხვა ტიპის ნარჩენების გადასაყრელად.

ბამოყენებული ლიტერატურა

1. საქართველოს გარემოს დაცვის მოქმედებათა მესამე ეროვნული პროგრამა, 2018 წ.
2. საქართველოს მთავრობის დადგენილება #160, 2016 წ.
3. საქართველოს მთავრობის დადგენილება #159, 2016 წ.
4. საქართველოს მთავრობის დადგენილება #145, 2016 წ.
5. ევროკავშირის ასოცირების ხელშეკრულება, 2014 წ.
6. მუნიციპალური ნარჩენების მართვის გეგმის მომზადების სახელმძღვანელო დოკუმენტი 2015 წ.
7. ახალგაზრდა მკვლევართა და ანალიტიკოსთა გაერთიანება „გორის 2016 წლის საბიუჯეტო პრიორიტეტების კვლევა“ 2015 წ.

დანართები

• დანართი #1

ფოკუს ჯგუფის სადისკუსიო გეგმა

1. თქვენს სოფელში თუ არის განთავსებული ნაგვის ურნები?
 - როგორ ფიქრობთ, დასახლების ყველა უბანში არის განთავსებული ნაგვის ურნები?
2. თქვენი აზრით, არის თუ არა დღევანდელი სანაგვე ურნების რაოდენობა საკმარისი?
 - რატომ არის ან არ არის საკმარისი?
3. ხალხის ცნობიერებაზე რას გვეტყვით, რამდენად ცდილობენ, რომ ნაგავი მოათავსონ ნაგვის ურნაში და არ გადაყარონ უკანონო (სტიქიურ) ნაგავსაყრელზე?
4. თქვენ ან თქვენი ოჯახის რომელიმე წევრს როდესმე უკანონო ნაგავსაყრელზე გადაგიყრიათ საყოფაცხოვრებო ან სხვა სახის ნარჩენები?
5. არსებობს უკანონო ნაგავსაყრელები თქვენს სოფელში?
 - კვლავ ყრით პერიოდულად ნაგავს უკანონო ნაგავსაყრელზე?
6. როგორ იქცევით, როდესაც ნაგვის ურნა სავსეა?
7. თქვენი აზრით, მოსახლეობა ისეთ ნაგავს ყრის ურნაში, რისი გადამუშავება/განადგურება თავადაც შეუძლია?
8. რა სიხშირით იცლება სოფელში განთავსებული ნაგვის ურნები?
9. გადაიხდიდით თუ არა ნაგვის მოსაკრებელს ნარჩენების მართვის გაუმჯობესების მიზნით?
10. რამდენი უკანონო ნაგავსაყრელია თქვენს სოფელში?
11. რა შეგიძლიათ მითხრათ თქვენს სოფელში/მხარეში არსებულ სასმელ წყალზე, რამდენად აკმაყოფილებს ის თქვენს მოთხოვნებს (გემოს, სისუფთავისა და უვნებლობის მხრივ)?
12. ინდუსტრიულად ან ქიმიურად ხომ არ ბინძურდება თქვენი მხარე?
13. სახელისუფლებო წარმომადგენლები თუ ატარებენ პერიოდულ მონიტორინგს თქვენს მხარეში/სოფელში (სტიქიური ნაგავსაყრელების დახურვის ან სხვა მიზნით)?
14. გარემოს დაცვის საკითხებზე თუ ხდება მოსახლეობასთან საინფორმაციო შეხვედრები?
 - ვინ მოდის შეხვედრებზე და რა არის განხილვის თემა?
15. სამეურნეო ნარჩენებს როგორ ექცევით, თუ შეგიძლიათ, რომ მითხრათ?
 - არ გიცდიათ ნაგვის კომპოსტირება/თუ იყენებთ საერთოდ/ ან თუ იციან რა არის ეს?
 - თუ იცით, რომ სხვადასხვა ნარჩენის დანვა უარყოფით გავლენას ახდენს გარემოზე/ადამიანზე/ნიადაგზე/ჰაერზე?
16. გიფიქრიათ როდესმე, ნაგვის გადაყრის ისეთი სისტემა იყოს საქართველოში, როგორიც ეს განვითარებულ ქვეყნებშია? თითოეული სახის ნაგავი თავის ურნაში რომ თავსდებოდეს?
 - როგორ ფიქრობთ, იმუშავებს მსგავსი სისტემა საქართველოში? რატომ?
17. რაიმე რეკომენდაცია, რჩევა, თხოვნა ან მოთხოვნა ხომ არ გექნებოდათ?

დანართი #2

რაოდენობრივი კვლევის კითხვარი

1. თქვენს დასახლებაში თუ არის განთავსებული ნაგვის ურნები?
1. დიახ; 2. არა; 88. არ ვიცი
2. რამდენად საკმარისი რაოდენობის ნაგვის ურნებია განთავსებული თქვენს დასახლებაში?
1. საკმარისია; 2. არაა საკმარისი; 3. არც ისე საკმარისია, დამატება შეიძლება
3. გთხოვთ მითხრათ, თქვენს საცხოვრებელ უბანში თუ არის მცირე ზომის სანაგვე ურნები განთავსებული?
1. დიახ; 2. არა; 88. არ ვიცი
- არსებობს საჭიროება მცირე ზომის სანაგვე ურნების განთავსების?
1. დიახ; 2. არა; 88. არ ვიცი;
4. რამდენად ხშირად სუფთავდება თქვენი საცხოვრებელი უბანი?
1. ყოველდღიურად; 2. კვირაში რამდენჯერმე; 3. კვირაში ერთხელ;
4. თვეში რამდენჯერმე; 5. თვეში ერთხელ; 6. წელიწადში რამდენჯერმე;
7. არასდროს არ სუფთავდება; 8. მაცხოვრებლები ვასუფთავებთ ჩვენი ძალებით. 88. არ ვიცი;
5. გაკმაყოფილებთ თუ არა სისუფთავე თქვენს დასახლებაში?
1. დიახ; 2. არა; 88. არ ვიცი;
- როგორ ფიქრობთ, რა შეიძლება გაკეთდეს პრობლემის მოსაგვარებლად? (შეკითხვა ისმის მხოლოდ იმ შემთხვევაში, თუ წინა შეკითხვაზე გაგვცა უარყოფითი პასუხი – „არა“).
6. რამდენად ხშირად გააქვთ საყოფაცხოვრებო ნარჩენები სპეციალური ტექნიკით?
1. ყოველდღიურად; 2. კვირაში რამდენჯერმე; 3. კვირაში ერთხელ;
4. თვეში რამდენჯერმე; 5. თვეში ერთხელ; 6. წელიწადში რამდენჯერმე;
7. არასდროს არ გააქვთ; 8. მაცხოვრებლებს გაგვაქვს ჩვენი ძალებით.

#	შეკითხვა	დიახ	არა
7.	გაკმაყოფილებთ სასმელი წყლის ხარისხი?		
8.	სასმელი წყლის გემოვნური თვისებები?		

9. იხდით თუ არა ნაგვის მოსაკრებელს ყოველთვიურად/ყოველწლიურად?
1. დიახ, ყოველთვიურად; 2. დიახ, წელიწადში რამდენჯერმე;
3. დიახ, წელიწადში ერთხელ; 4. არ ვიხდი არასდროს; 88. არ ვიცი;
10. რამდენად მისაღებია ნაგვის მოსაკრებლის მიზმა ელ.ენერგიის გადასახადზე?
1. სავსებით მისაღებია; 2. მისაღებია; 3. არაა მისაღებია;
4. საერთოდ მიუღებელია; 77. სხვა 99. უარი პასუხზე
11. ძირითადად დღის რა მონაკვეთში/პერიოდში ყრით საყოფაცხოვრებო ნარჩენებს ურნაში?
1. დილით; 2. შუადღით; 3. საღამოს; 4. როდესაც ამის საჭიროება მაქვს;

12. გექნებოდათ თუ არა სურვილი ნაგვის დახარისხების და ისე გადაყრის, კონკრეტული ნარჩენი კონკრეტულ ურნაში?
1. დიახ; 2. არა; 88. არ ვიცი;
13. დახარისხების შესაძლებლობა რამდენად გაქვთ თქვენს საცხოვრებელ ფართში?
1. მაქვს შესაძლებლობა; 2. არ მაქვს შესაძლებლობა; 3. შევეცდები შევიქმნა შესაბამისი პირობები; 77. სხვა
14. ნაგვის სეპარირების (დახარისხების) კანონის შემოღების შემდგომ, როგორ ფიქრობთ, იმუშავებს ეს კანონი ქართულ რეალობაში?
1. იმუშავებს; 2. უფრო იმუშავებს, ვიდრე ვერ იმუშავებს;
3. უფრო ვერ იმუშავებს, ვიდრე იმუშავებს; 4. ვერ იმუშავებს; 88. არ ვიცი;
15. როგორ იქცევით, როდესაც ნაგვის ურნა არის საცხე და გატანილი გაქვთ გადასაყრელად საყოფაცხოვრებო ნარჩენები?
1. ვტოვებ ნაგვის ურნასთან; 2. უკან მიმაქვს სახლში; 3. ვეძებ სხვა ურნას
4. ვყრი სხვა ადგილას; 77. სხვა; 99. უარი პასუხზე;
16. თუ გაქვთ ინფორმაცია სტიქიურ (უკანონო) ნაგავსარელების არსებობის შესახებ თქვენს თემში?
1. დიახ; 2. არა; 88. არ ვიცი;
- რამდენი უკანონო ნაგავსარეელი არის თქვენს თემში?
1. ერთი; 2. ორი; 3. სამი; 77. სხვა _____
 - ძირითადად რა მიდამოებშია განთავსებული უკანონო ნაგავსარელები?
1. მდინარის ნაპირის გასწვრივ; 2. სასოფლო/სამეურნეო მეურნეობებთან;
3. მიტოვებულ შენობა-ნაგებობებთან; 4. ხევებში; 88. არ ვიცი
 - ძირითადად რა სახის ნაგავია განთავსებული უკანონო ნაგავსარელებზე?

(სთხოვეთ მოახდინოს კლასიფიკაცია)

-
17. გთხოვთ მითხრათ, მოგწონთ თუ არა თქვენს საცხოვრებელ უბანში არსებული ჰაერის ხარისხი?
1. დიახ; 2. არა; 88. არ ვიცი;
- რა ინვესტაცია ჰაერის დაბინძურებას თქვენს საცხოვრებელ უბანში?
(შეკითხვა ისმის მხოლოდ იმ შემთხვევაში, თუ წინა შეკითხვაზე გავცა უარყოფითი პასუხი – „არა“).
18. სქესი
1. მდედრობითი; 2. მამრობითი;
19. ასაკი

20. საცხოვრებელი ადგილი (სოფლის / ქალაქის / უბნის დასახელება)
21. ხართ თუ არა დასაქმებული?
1. დიახ; 2. არა; 99. უარი პასუხზე;
22. გთხოვთ მითხრათ თქვენი სამუშაო სტატუსი
1. საჯარო სამსახური; 2. კერძო სექტორი; 3. თვითდასაქმებული;

23. ოჯახის წევრთა რაოდენობა

1. ერთწევრიანი; 2. ორწევრიანი; 3. სამწევრიანი; 4. ოთხწევრიანი
5. ხუთწევრიანი; 6. ექვსწევრიანი; 7. სხვა _____

24. გთხოვთ მითხრათ, თუ შეიძლება, რა არის თქვენი ოჯახის ყოველთვიური შემოსავალი:

-
1. 0 – 200; 2. 201 – 400; 3. 401 – 600; 4. 601 – 800;
5. 801 – 1100; 6. 1101 – 1500; 7. 1501 +

დანართი #3

დახურული ნაგავსაყრელები და არსებული მდგომარეობა

არასამეწარმეო

არაკომერციული

non-production noncommercial

იურიდიული პირი

legal person

„გორის მუნიციპალიტეტის კეთილმოწყობის სააგენტო“

Gori Municipality Improvement Agency

იურიდი: საქართველო, ქ. გორი, სტალინის გამზირი №16.

ფაქტ: საქართველო, ქ. გორი, ცხინვალის გზ. მე-2 კმ

№ 68

05 02 2019 წელი

ა/ო მეგობრობის ხიდი „ქართლოსი“
მის: გორი, სტალინის ქ. №10

ორგანიზაციის თავჯდომარეს

ქალბატონ მეგი ბიბილურს

ქალბატონო მეგი,

გაცნობებთ, რომ ა(ა)იპ „გორის მუნიციპალიტეტის კეთილმოწყობის სააგენტო“ - ში შემდგომი რეაგირებისთვის შემოვიდა გორის მუნიციპალიტეტის მერიის 2019 წლის 31 იანვრის №10/1/1451 (კანცელარიის რეგისტრაცია 31.01.19 №237) წერილი, აღნიშნულ წერილს თან ერთვის თქვენი 2019 წლის 29 იანვრის №1303 წერილი.

ა(ა)იპ „გორის მუნიციპალიტეტის კეთილმოწყობის სააგენტო“ არის გორის მუნიციპალიტეტის მერიის მიერ დაფუძნებული არასამეწარმეო (არაკომერციული) იურიდიული პირი, რომლის ერთერთ მოვალეობას წარმოადგენს გორის მუნიციპალიტეტის ტერიტორიის დასუფთავება, მოსახელობისგან და ორგანიზაციებისგან საყოფაცხოვრებო ნარჩენების გატანა და უტილიზაცია კანონმდებლობის შესაბამისად.

ა(ა)იპ „გორის მუნიციპალიტეტის კეთილმოწყობის სააგენტო“-ს დასუფთავების განყოფილება ემსახურება გორსა და გორის მუნიციპალიტეტის სოფლების უმრავლესობას.

გორის ტერიტორიაზე 2018 წლამდე განთავსებული იყო 400 ცალი 1,1მ³ მოცულობის თუნუქის ნარჩენების ურნა, 2018 წელს აღნიშნული ურნები მთლიანად შეიცვალა იგივე მოცულობის პლასტმასის ნარჩენების ურნებით, ასევე გარკვეულ უბნებზე მოხდა ურნების დამატება. დღეის მდგომარეობით გორის ტერიტორიაზე განლაგებულია 450 ცალი ნარჩენების ურნა,

აღნიშნული ურნების დაცლა ხდება ყოველდღიურად 3 ერთეული სპეც. ავტომობილით, გარდა ამისა გრაფიკით 2 სპეც. ავტომობილი მუშაობს მეორე ცვლაში.

დაგვილი მასის აღებას და საყოფაცხოვრებო ნარჩენების გატანას ნაგავსაყრელზე ემსახურება 7 თვითმცლელი გაზ-53 ტიპის ავტომობილები, აქედან ყოველდღიურად თითო ავტომობილი, რომლებსაც ევალემათ გორის ქუჩების გადამოწმება და ზედმეტი ნარჩენებისგან გასუფთავება დღის მეორე ნახევარში გრაფიკის მიხედვით აგრძელებს მორიგედ მუშაობას.

გორის მუნიციპალიტეტის სოფლებში 2018 წლამდე ვემსახურებოდით 49 სოფელს, სადაც განთავსებული იყო 850 ცალი 1,1მ³ მოცულობის თუნუქის ნარჩენების ურნა. 2018 წელს გარკვეული რაოდენობის თუნუქის ურნები დაზიანების გამო შეიცვალა და ასევე 26 სოფელში დაემატა 1,1მ³ მოცულობის თუნუქის ნარჩენების ურნა და იგივე მოცულობის პლასტმასის ურნები.

დღეის მდგომარეობით მუნიციპალიტეტის 104 სოფლიდან ვემსახურებით 75 სოფელს, სადაც განთავსებულია 1175 თუნუქის და პლასტმასის ნარჩენების ურნა, აღნიშნულ სოფლებს მომსახურებას უწევს 3 სპეც. ავტომობილი.

ნარჩენების ურნების შეძენისთანავე ეტაპობრივად იგეგმება დამატებით სოფლების მომსახურება, იქ სადაც ჯერ კიდევ არ ხორცილდება მომსახურება.

ჩვენი სააგენტოს მიერ გადამოწმების და გორის მერიიდან შემოსული წერილების პასუხად რეგულარულად ვმუშაობთ სტიქიური ნაგავსაყრელების დახურვაზე. 2018 წელს გორის მუნიციპალიტეტის 24 სოფელში დაიხურა სტიქიური ნაგავსაყრელები, ეს სოფლებია: ქერე, კარბო, მერეთი, კოშკა, გუგუტიაანთკარი, ზარდიაანთკარი, კოშკები, ახრისი, ახალუბანი, აძვი, ქვ. არცევი, ჯარიაშენი, ციცაგიაანთკარი, მუმლაანთკარი, ზერტი, ფაბრიკის დასახლება, კირბალი. 2019 წელს გაგრძელდება ახლად აღმოჩენილი სტიქიური ნაგავსაყრელების დახურვა.

პატივისცემით,

(ა)იპ „გორის მუნიციპალიტეტის კეთილმოწყობის სააგენტო“-ს

დირექტორი:




ბაჩანა გვიანიშვილი


ხაჭიძის
გ. გიორგი

დანართი #4


რაოდენობრივი კვლევის დიაგრამები




გთხოვთ მითხრათ, თქვენს საცხოვრებელ უბანში თუ არის მცირე ზომის
სანაგვე ურნები განთავსებული?




არსებობს საჭიროება მცირე ზომის სანაგვე ურნების განთავსებისა?




რამდენად ხშირად სუფთავდება თქვენი საცხოვრებელი უბანი?




გაკმაყოფილებთ თუ არა სისუფთავე თქვენს დასახლებაში?




როგორ ფიქრობთ რა შეიძლება გაკეთდეს პრობლემის მოსაგვარებლად?




რამდენად ხშირად გააქვთ საყოფაცხოვრებო ნარჩენები სპეციალური ტექნიკით?




გაკმაყოფილებთ სასმელი წყლის ხარისხი?




სასმელი წყლის გემოვნური თვისებები?




იხდით თუ არა ნაგვის მოსაკრებელს ყოველთვიურად/ყოველწლიურად?




რამდენად მისაღებია ნაგვის მოსაკრებლის მიზმა ელ.ენერგიის გადასახადზე?




ძირითადად დღის რა მონაკვეთში/პერიოდში ურით საყოფაცხოვრებო
ნარჩენებს ურნაში?




გეჭნებოდათ თუ არა სურვილი ნაგვის დახარისხების და ისე გადაყრის?




ძირითადად დღის რა მონაკვეთში/პერიოდში ურით საყოფაცხოვრებო
ნარჩენებს ურნაში?




გეჭნებოდათ თუ არა სურვილი ნაგვის დახარისხების და ისე გადაყრის?




ამის შესაძლებლობა რამდენად გაქვთ თქვენს საცხოვრებელ ფართში?




ნაგვის სეპარირების კანონის შემოღების შემდგომ, როგორ ფიქრობთ, იმუშავებს ეს კანონი?




როგორ იქცევით, როდესაც ნაგვის ურნა არის სავსე?




თუ გაქვთ ინფორმაცია სტიქიური წაგავსარელების არსებობის შესახებ თქვენს თემში?




რამდენი უკანონო ნაგავსაყრელი არსებობს თქვენს თემში?




ძირითადად რა მიდამოებშია განთავსებული ზემოთ აღნიშნული უკანონო ნაგავსაყრელები?



ძირითადად რა სახის ნაგავია განთავსებული
უკანონო ნაგავსაყრელებზე?



გთხოვთ მითხრათ, მოგწონთ თუ არა თქვენს საცხოვრებელ უბანში
არსებული ჰაერის ხარისხი?



რა იწვევს ჰაერის დაბინძურებას თქვენს საცხოვრებელ უბანში?

